



Broj: KSI-09-253/26

Datum: 23.06.2026. godine

Na osnovu člana 25. tačka g) Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“ broj: 04/21) i člana 25. stav (2) Poslovnika o radu Komisije za odlučivanje o sukobu interesa, postupajući po prijavi I. O. od 09.06.2026. godine, protiv A. R., člana Upravnog odbora JP „Putevi Brčko“ d.o.o. Brčko distrikt BiH radi utvrđivanja sukoba interesa, Komisija za odlučivanje o sukobu interesa, na 153. sjednici održanoj dana 23.06.2026. godine, donosi

ODLUKU

Postupak za odlučivanje o sukobu interesa protiv A. R., nosioca javne funkcije, člana Upravnog odbora JP „Putevi Brčko“ d.o.o. Brčko distrikt BiH, neće se pokrenuti, obzirom da iz dokumentacije i radnji ne proizilazi da je u postupanju nosioca javne funkcije došlo do povrede odredaba Zakona o sprečavanju sukoba interesa u institucijama Brčko distrikta Bosne i Hercegovine, odnosno postojanja sukoba interesa.

Образложење

Dana 09.06.2026. godine Komisija za odlučivanje o sukobu interesa je zaprimila putem e-maila prijavu protiv A. R. iz Brčkog, ulica [REDACTED], koji je obavljao javnu funkciju, do 17.01.2025. godine kao član Upravnog odbora JP „Putevi Brčko“ d.o.o. Brčko distrikt BiH. U prijavi se navodi da je advokat A. R. iz Brčkog u sukobu interesa obzirom da zastupa JP „Komunalno Brčko“ d.o.o. Brčko u tužbi koju je I. O. pokrenula protiv JP „Komunalno Brčko“ d.o.o. Brčko distrikt BiH zbog mobinga pred Osnovnim sudom u Brčko distriktu BiH, a imajući u vidu da je zbog njene prijave o sukobu interesa A. R. prestao biti član Upravnog odbora JP „Putevi Brčko“ d.o.o. Brčko distrikt BiH.

Uvidom u dokumentaciju koju posjeduje Komisija utvrđeno je da je A. R. obavljao javnu funkciju do 17.01.2025. godine sa koje je razriješen na osnovu Odluke o razrješenju dužnosti člana Upravnog odbora JP „Putevi Brčko“ d.o.o. Brčko distrikta BiH broj: 01-02-192/25 od 30.01.2025. godine, a imenovan na osnovu Odluke o imenovanju Brčko distrikta Bosne i Hercegovine o imenovanju predsjednika Upravnog odbora JP „Putevi Brčko“ d.o.o. Brčko distrikta BiH broj: 01-02-2500/21 od 02.06.2021. godine, kao predsjednika Upravnog odbora JP „Putevi Brčko“ d.o.o. Brčko distrikt BiH.

Članom 2. tačkom b) propisano je da „javna funkcija“ funkcija izabranog ili imenovanog lica u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnog ovlaštenja i lica koje je imenovano, odnosno na čiji izbor ili imenovanje saglasnost daje Skupština Brčko distrikta Bosne i Hercegovine (u daljnjem tekstu: Skupština), odnosno Vlada Brčko distrikta Bosne i Hercegovine (u daljnjem tekstu: Vlada), ukoliko drugim zakonom nije drugačije propisano. Tačkom c) navedenog člana Zakona propisano je da je „nosilac javne funkcije“ izabrano ili imenovano lice u organima i institucijama Distrikta, u pravnim

licima koje osniva Distrikt kao i u pravnim licima kojima je povjereno vršenje javnih ovlaštenja i lice koje je imenovano, odnosno na čiji izbor i imenovanje saglasnost daje Skupština, odnosno Vlada, ukoliko drugim zakonom nije drugačije propisano.

Naime, članom 25. Zakona o advokaturi Federacije Bosne i Hercegovine („Službene novine Federacije Bosne i Hercegovine“, br. 01/2025 od 10.01.2025.), propisano je da advokat ne može biti zastupnik, direktor, član upravnog ili nadzornog odbora u pravnoj osobi u institucijama s javnim ovlaštenjima, javnim preduzećima, pravnim osobama s većinskim državnim kapitalom, predsjednik, član upravnog, nadzornog ili odbora za reviziju banke s većinskim državnim kapitalom, zastupnik državnog kapitala, kao ni obavljati te poslove u bilo kojem obimu ili vršiti javnu dužnost koja je nespojiva s advokatskom djelatnošću.

Nadalje, A. R. je dana 15.01.2025. godine podnio Skupštini Brčko distrikta BiH zahtjev za razrješenje funkcije člana Upravnog odbora JP „Putevi Brčko“ d.o.o. Brčko distrikt BiH, a obzirom da 18.01.2025. godine stupio na snagu novi Zakon o advokaturi Federacije Bosne i Hercegovine („Službene novine Federacije Bosne i Hercegovine“, br. 01/2025) koji se primjenjuje u Brčko distriktu BiH na članove Advokatske komore Federacije BiH shodno Zakonu o advokatskoj djelatnosti u Brčko distriktu BiH, a koji zakon uvodi novinu u pogledu nespojivosti sa obavljanjem advokatske djelatnosti, preciznije, u članu 25. propisuje da između ostalog advokat ne može biti član upravnog odbora u javnim preduzećima, te je o svemu tome obavijestio Komisiju za odlučivanje o sukobu interesa.

Iz navedenog proizilazi da je A. R. obavljao javnu funkciju člana Upravnog odbora JP „Putevi Brčko“ d.o.o. Brčko distrikt BiH i podnio ostavku na navedenu funkciju, zbog odredaba novog Zakona o advokaturi Federacije Bosne i Hercegovine, dok funkciju člana JP „Komunalno Brčko“ d.o.o. Brčko distrikt BiH A. R. nije nikada obavljao, onako kako je to navedeno u prijavi, te Komisija nije našla povredu zakona odnosno nespojivost funkcija u ovom slučaju, opisanim u prijavi.

Imajući u vidu sve navedeno, a na osnovu prikupljenih akata, dokumentacije i uvida u iste, utvrđeno je da A. R. nije povrijedio odredbe Zakona o sprečavanju sukoba interesa u institucijama Brčko distrikta BiH, odnosno da ne postoji sukob interesa, jer nisu utvrđene okolnosti koje bi ukazivale na moguću povredu odredaba Zakona. Slijedom navedenog, Komisija je donijela odluku kao u dispozitivu.

Pouka o pravnom lijeku:

Protiv ove Odluke nije dozvoljena žalba, ali se može pokrenuti upravni spor pred Osnovnim sudom Brčko distrikta Bosne i Hercegovine u roku od 30 dana od dana prijema ove Odluke.

Predsjednik
Komisije za odlučivanje o sukobu interesa

Admira Mujić, dipl. pravnik

Dostaviti:

1. I. O., ulica [REDACTED], Brčko,
2. Internet stranici Komisije,
3. Evidencija,
4. Arhiva.